

Bosna i Hercegovina
Republika Srpska

OSNOVNI SUD U BIJELJINI

Broj 080-0-Su-23-000068

Dana, 13. januara 2023. godine

Na osnovu člana 15. stav 1. Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, broj 5/13), na stručnom kolegiju suda održanom dana 13. januara 2023. godine donesen je:

**GODIŠNJI STATISTIČKI IZVJEŠTAJ
O POŠTIVANJU OPTIMALNIH I PREDVIDIVIH ROKOVA
ZA 2022. GODINU**

Iz izvještaja o poštivanju optimalnih i predvidivih rokova za period 01.01.-31.12.2022. godine, Osnovni sud u Bijeljini na početku perioda imao je u radu ukupno 3805 predmeta i u toku 2022. godine, zaprimio je još 10325 predmeta, što ukupno iznosi 14130 predmeta.

I- Analiza pokazatelja iz statističkog izvještaja o poštivanju optimalnih i predvidivih rokova:

Iz statističkih izvještaja o poštivanju optimalnih i predvidivih rokova **za 2022. godinu**, proizilazi: da je na nivou ovog suda u optimalnom roku riješeno 4897 predmeta ili 48%, u predvidivom roku 7813 predmeta ili 77% i sa prekoračenjem predvidivog roka 2286 predmeta ili 23%.

Analizirajući statističke podatke po referatima, stanje je sljedeće:

- Na **krivičnom** referatu, od ukupnog broja predmeta u radu (778), u optimalnom roku riješeno je 153 predmeta (33%) , u predvidivim rokovima 272 predmeta (59%), a sa prekoračenjem predvidivih rokova 192 predmeta (41%).
- Na **prekršajnom** referatu, od ukupnog broja predmeta u radu (2531), u optimalnom roku riješeno je 707 predmeta (35%), u predvidivim rokovima 1209 predmeta (59%), a sa prekoračenjem predvidivih rokova 824 predmeta (41%).
- Na **parničnom** referatu, od ukupnog broja predmeta u radu (3963), u optimalnom roku riješeno je 1494 predmeta (69%), u predvidivim rokovima 1921 predmet (89%), a sa prekoračenjem predvidivih rokova 243 predmeta (11%).
- Na **vanparničnom** referatu, od ukupnog broja predmeta u radu (4429), u optimalnom roku riješeno je 941 predmet (28%), u predvidivim rokovima 2614 predmeta (77%), a sa prekoračenjem predvidivih rokova 797 predmeta (23%).

- Na **izvršnom** referatu, od ukupnog broja predmeta u radu (2429), u optimalnom roku riješeno je 1602 predmeta (79%), u predvidivim rokovima 1798 predmeta (89%), a sa prekoračenjem predvidivih rokova 230 predmeta (11%).

U poređenju pokazatelja ovog godišnjeg izvještaja, sa pokazateljima Izvještaja o poštivanju optimalnih i predvidivih rokova na kraju 2021. godine, može se zaključiti da je procenat riješenih predmeta u optimalnom roku veći za 2%, u odnosu na 2021. godinu (46%), da je za 2% smanjen broj riješenih predmeta u predvidivom roku, u odnosu na 2021. godinu (79%).

Broj riješenih predmeta sa prekoračenjem predvidivog roka u 2022. godini, povećan je za 2% u odnosu na 2021. godinu, gdje je bilo riješeno 21% predmeta sa prekoračenjem predvidivog roka.

U poređenju rješavanja ovih predmeta u optimalnim rokovima po referatima, stanje je sledeće: na krivičnom referatu u optimalnom roku u 2022. godini, riješeno je manje za 14% predmeta u odnosu na 2021. godinu (47%); na parničnom referatu, riješeno je isto predmeta u odnosu na 2021. godinu (69%), na vanparničnom referatu, riješeno je manje za 3% predmeta u odnosu na 2021. godinu (31%), na izvršnom referatu, riješeno je više za 16% predmeta u odnosu na 2021. godinu (63%) i na prekršajnom referatu, u optimalnom roku u 2022. godini, riješeno je za 4% manje predmeta u odnosu na 2021. godinu (39%).

Do znatnog smanjenja prekoračenja predvidivih rokova u rješavanju predmeta u 2022. godini u odnosu na 2020. godinu, došlo je na izvršnom referatu za 11% predmeta u odnosu na 2021. godinu (22%)

Do blagog povećanja prekoračenja predvidivih rokova u rješavanju predmeta u 2022. godini u odnosu na 2021. godinu, došlo je:

- na parničnom referatu za 1% predmeta u odnosu na 2021. godinu (10%),
- na krivičnom referatu za 17% predmeta u odnosu na 2021. godinu (24%) i
- na vanparničnom referatu za 6% predmeta u odnosu na 2021. godinu (17%).

Na prekršajnom referatu, prekoračenje predvidivih rokova je isto kao i u 2021. godini (41%).

Razlozi do kojih je došlo do blagog povećanja prekoračenja riješenih predmeta u 2022. godini su bolovanja sudija i stručnih saradnika u 2022. godini, odlaganja i odgađanja ročišta, rasprava na prijedlog advokata, tužilaca i stranaka u postupku, naročito na krivičnom referatu, kao i spriječenost dolaska određenog broja stranaka na poziv suda.

Kada je riječ o broju neriješenih predmeta na kraju izvještajnog perioda, 716 predmeta je već prekoračilo predvidivi rok rješavanja (u 2021. godini bilo prekoračenje kod 750 predmeta), dok je 3314 predmeta bez prekoračenja predvidivog roka rješavanja predmeta.

Najveće prekoračenje neriješenih predmeta u predvidivom roku, odnosi se na predmete sa vanparničnog referata (270) i na predmete sa krivičnog referata (182), a ostatak neriješenih predmeta u kojima je prekoračen predvidivi rok rješavanja, odnosi se na ostale referate.

U poređenju neriješenih predmeta sa prekoračenjem predvidivog roka na dan 31.12.2022. godine (716), u odnosu na kraj 2021. godine (750), važno je napomenuti da je do smanjenja broja neriješenih predmeta došlo za 34 predmeta manje, u odnosu na dan 31.12.2021. godine.

II- Analiza raspoloživih resursa u sudu:

- Nedostatak finansijskih sredstava.
- Nedostatak administrativno-tehničkog osoblja (nemogućnost prijema dodatnih sudskih dostavljača i izvršitelja za dodatni angažman (nisu predviđena sredstva budžetom).
- Nedovoljan broj putničkih automobila za izlazak na teren sudskih izvršitelja.
- Nemogućnost uručenja sudskih pismena putem poštanskih operatera strankama u postupku.

III-Analiza „perioda neaktivnosti“ u predmetima:

- Zbog odsustva 12 sudija i 4 stručnih saradnika, koji su se nalazili na bolovanju u trajanju od 433 radna dana, kao i suspenzija jednog sudije u periodu od 20.04. do 31.12.2022. godine.
 - Zbog odlaska jednog sudije u penziju 01.02.2022. godine i neizbora drugog sudije u toku 2022. godine.
 - Spriječenost dolaska stranaka u postupcima na poziv suda, jer se isti nalaze van granica Bosne i Hercegovine.
 - U krivičnim predmetima „periodi neaktivnosti“ ogledaju se u nemogućnosti obezbjeđenja prisustva optuženih/okrivljenih, prema kojima se preduzimaju sve radnje predviđene zakonom da bi se obezbijedilo njihovo prisustvo suđenju, kao veliki broj odgođenih ročišta i glavnih pretresa, kako na zahtjev advokata, tako i na zahtjev okružnih tužilaca.
 - Na građanskom referatu „periodi neaktivnosti“ uzrokovane su najčešće u predmetima, zbog odlaganja pripremni ročišta i ročišta za glavnu raspravu na prijedlog stranaka, zbog podnošenja protivtužbi, što zahtijeva odlaganje radi davanja odgovora na protivtužbe i odsustvo stranaka, koje se nalaze u inostranstvu i sl.
 - Na izvršnom referatu „periodi neaktivnosti“ uzrokovane su najčešće, zbog odlaganja izvršenja na zahtjev tražioca izvršenja, česta promjena sredstva i predmeta izvršenja od strane tražioca izvršenja, nemogućnost da sudski izvršitelj pronađe izvršenika, jer je izvršenik promijenio adresu, bez obavještenja suda o promjeni svoje adrese, odlazak izvršenika u inostranstvo itd.
- Na Vanparničnom referatu „periodi neaktivnosti“, ogledaju se u nerješavanju ostavinskih predmeta u zakonski predviđenim rokovima, koji su upućeni notarima, kao i nedolazak stranaka na poziv suda, jer se veliki broj nasljednika nalazi u inostranstvu.

IV- Prijedlog mjera kako bi se utvrđeni predvidivi rokovi skraćivali i približavali optimalnim rokovima:

- Poštivanje zakonom određenih rokova za zakazivanje i održavanje pripremni ročišta, odnosno glavnih rasprava/pretrisa.
- Posebnu pažnju pokloniti uzimanju predmeta u rad kod ukinutih odluka, predmeta koji se dva ili više puta ponavljaju u planovima za rješavanje predmeta i kod hitnih predmeta.
- Preduzimati aktivnosti na poboljšanju dostave sudskih pismena putem pošte, uzorganizovanje sastanka sa upravnikom pošte, u cilju upoznavanja nadležnih sa problemima, sa kojima se susreće sud u dostavi pismena, a i tačnog izvještavanja poštanskih dostavljača, putem povratnice suda o prisustvu ili odsustvu naznačenog adresata.

- Na svakom referatu, krajnje kritički cijeniti prijedloge stranaka za odlaganje i odgađanje ročišta, rasprava i pretresa i u skladu s tim težiti što manjem odlaganju/odgađanju ročišta, tj. držati se zakonom propisanih razloga.
- O svim odgođenim ročištima sudije će voditi sedmičnu evidenciju u posebno predviđenim tabelama, u koju navoditi razloge odgađanja i istu svake sedmice dostavljati predsjednicima sudskih odjeljenja, a predsjednici odjeljenja zbirne podatke dostavljati sudskoj upravi.
- Putem sudija, od sudskih vještaka zahtijevati dostavu nalaza u roku koji odredi sud.
- Krajnje kritički cijeniti nedolazak punomoćnika stranaka na zakazana ročišta/pretrase.
- Preduzeti aktivnosti u cilju snadbjevenosti službe sudskih izvršitelja sa dovoljnim brojem automobila, u cilju efikasnijeg rada na terenu.
- Nastaviti sa delegiranjem određenih zadataka sa sudija na pripravnike volontere, na svim referatima u okviru „Projekta unapređenja efikasnosti sudova i odgovornosti sudija i tužilaca u BiH- faza II (Projekta), u cilju povećanja efikasnosti rada suda na smanjenju broja neriješenih predmeta i kraćem trajanju postupaka.
- Redovno održavanje stručnih kolegija predsjednika suda i sjednica sudskih odjeljenja, na kojima analizirati stanje na odjeljenjima i preduzimati odgovarajuće mjere, a sve u cilju poštovanja optimalnih i predvidivih rokova za rješavanje svih vrsta predmeta.

V- Ostalo:

- Nabavka dodatne informatičke opreme i zadržavanje stare (računari, štampači i skeneri), koja je u upotrebi, a ista je starija od 5 godina i više.
- Nabavka putničkog automobila za potrebe suda.

DOSTAVLJENO:

1. VSTV BiH
2. Okružnom sudu u Bijeljini
3. Su-arhiva



PREDSJEDNIK SUDA

Handwritten signature
 Ald Nanušić, mr